

24.05.2012

<http://www.vkportal.net/velika-kladusa/politika/reprezent-jednostranacki-glasnik-prepun-lazi-i-obmana-kladuske-javnosti/>

[Početna](#) » [Velika Kladuša](#) » [Politika](#) » Reprezent – jednostranački glasnik prepun laži i obmana kladuške javnosti

Reprezent – jednostranački glasnik prepun laži i obmana kladuške javnosti

Autor VKPORTAL.NET - čet maj 24, 12:02 pm



Demokratski procesi, započeti devedesetih godina na prostoru bivše Jugoslavije, koji su nažalost u samom začetku krenuli u pogrešnom smjeru i umjesto na evropski put, odveli nas u slijepu ulicu, ulicu koja vodi do jednog ogromnog ponora u koji smo gurnuti i u kojem se koprcamo evo već treću deceniju, svoj epilog ima i danas u Velikoj Kladuši, u kojoj je do sad još neviđenim manipulacijama izloženo pedeset hiljada ljudi.

Lokalna stranka na vlasti, čiji su čelnici interese građana Velike Kladuše podredili interesima pojedinaca i grupacija unutar vlastite stranke, ne birajući sredstva ni načine da našu Općinu učine što nerazvijenijom, naše sugrađane iscrpljuje do iznemoglosti bijedom i siromaštvom, kako bi ih učinila još pogodnijim slugama.

Umjesto da su u službi interesa građana Velike Kladuše i da se bore za svako radno mjesto, ovi vješti manipulatori vode sasvim drugu politiku, politiku obmane i onemogućavanja zapošljavanja. Za obmanu javnosti i izvrtanje istine koriste lokalne medije, pa čak i one koji sebe nazivaju „nezavisnim i krajiškim“, a u stvari treba da nose naziv „jednostranački glasnik prepun laži i obmana kladuške javnosti“. Ne čudi nas zato sve manji tiraž „Reprezenta“ kojeg zaista malo ko više i čita, jer vrijeđa građane Velike Kladuše iznošenjem neistina. Glavni urednik „Reprezenta“ griješi ako očekuje da su građani Velike Kladuše i dalje toliko

„jedn stranački zasljepljeni“ i naivni da će prihvatiti za građane Velike Kladuše pogubnu politiku lokalne stranke na vlasti koju je on kao stranački poslušnik dobio zadatak da medijski propagira.

Rezultati politike lokalne stranke na vlasti su toliko porazni da se slični primjeri ne mogu naći nadaleko. Spomenućemo samo radna mjesta koja su bagerima uništavana, te na sličan način uništeni kladuški dom kulture, a zatim i milionska dugovanja privrednicima Velike Kladuše, koja oni na žalost ne mogu preživjeti, ni oni, a ni njihovi dobavljači. Svi zajedno smo se zimus smrzavali u prostorijama Općine Velika Kladuša i bili nijemi svjedoci obespravljenih zaposlenika Općinske administracije, promrzlih naših sugrađana koji su u takvim uvjetima mjesecima radili bez primljene plate i u strahu, nemajući kome da se žale.

Porazna je i politika Općinskog sportskog saveza, koji umjesto da sredstva prioritetno ulaže u izuzetno nadarenu kladušku djecu, osvajače zlatnih odličja na jakim međunarodnim turnirima u borilačkim vještinama, atletici i moto krosu i na taj način stvara promotore i ambasadore našeg grada, vodimo politiku sporta u kojoj za ambasadore kladuškog sporta biramo konja oždrijebljenog u Engleskoj, za kojeg moramo i džokeja dovesti, te kojeg onda mora hraniti i kompletna kladuška privreda u privatnom sektoru. Naš nogometni klub „Krajišnik“ pretvorili smo u „legiju stranaca“, pa onda doživimo paradoks da te skupo plaćene igrače u međusobnom susretu nadigra NK „Mladost“ iz Vrnograča, koja danas s pravom uživa epitet „kladuška mladost“ itd, itd.

Gospodine Esade Šabanagiću, da li ste se i vi ikad u svojim komentarima kao „nezavisan“ novinar, „nezavisne“ novinske kuće osvrtni osvrtni na slične probleme ili na bilo koji drugi kladuški problem, osim što prve stranice vaših „nezavisnih“ novina trošite na blaćenje Hamdije Lipovače, SDP BiH USK, stranaka platforme, pa i kladuškog SDP-a, kojeg nemilosrdno sabotirate.

Znamo mi gospodine Šabanagiću da ste Vi i vaša porodica zbrinuti radnim mjestima i zbog toga Vam ne znači puno, rekli bismo čak i smeta što premijer Hamdija Lipovača otvara radna mjesta i u Velikoj Kladuši, a ne kako vi to kažete u „svojoj zoni odgovornosti“, mada griješite, jer je cijela teritorija USK u zoni odgovornosti njenog premijera.

Ne čudi nas gospodine Šabanagiću što navodite da Radio Velika Kladuša nije ni objavila preuzetu izjavu od premijera Lipovače, niti što općinska web stranica, kako sami kažete, nije ovaj događaj ni spomenula, jer to je kod naših lokalnih medija pod kontrolom lokalne vlasti nešto sasvim uobičajeno, na što smo već naviknuti, a samo govori o profesionalnosti i odgovornosti istih, te o dostignutom stepenu demokratičnosti čelnika lokalne stranke na vlasti. Ne čude nas ni neistine da općinske vlasti nisu bile pozvane na otvaranje ovog pogona, jer oni se rado pojavljuju jedino na mjestima gdje se radna mjesta bagerima ruše ili barem gdje mogu ostvariti lični ili direktni stranački interes. Ne čude nas ni neistine da obdaništu u Velikoj Kladuši nije uručen vaučer za trampolinu, navikli smo i na to, jer ste nas bezbroj puta do sada uvjerali da ste vi samo jedan obični stranački poslušnik, a slijedeća slika dovoljno govori o istinitosti Vašeg navoda.



Poklon vaučer trampolina za JU Dječije obdanište Velika Kladuša

VKportal.NET u cijelosti objavljuje i tekst na koji je OO SDP BiH Velika Kladuša reagovala svojim saopštenjem:

U Velikoj Kladaši svečano otvoren pogon za proizvodnju trampolina "Akrobat" Otvaranje bez domaćih makaza

VELIKA KLADUŠA – U prošlu ponedjeljak je u Polju kod Velike Kladaše svečano otvoren pogon za proizvodnju trampolina i sportske opreme slovenske firme „Akrobat“ iz Novog mesta. Ovak proizvodni pogon svečano je otvorio Premijer Unsko-sanskog kantona Hamdija Lipovača, a pored njega, tu su bili i njegovi koalicioni partneri u vlasti **Esad Bašagić** i **Šefik Smailić**, te predstavnici slovenske ambasade i Privredne komore Unsko-sanskog kantona na čelu sa **Ismetom Pašalićem**, Predsjednikom Privredne komore.

Riječ je o slovenskoj firmi koja je preselila dio svoje proizvodnje u Veliku Kladašu. Posao u ovom poduzeću dobilo je 17 radnika, a kako je riječ o renomiranom proizvođaču koji izvozi na evropsko tržište i ima teri-

deniju šira područja, uskoro se očekuje otvaranje još novih radnih mjesta. Firma „Akrobat“ je dobila na korištenje hale „Agrokomeca“ u Polju, a širenjem proizvodnje i otvaranjem novih radnih mjesta, kako je istaknuto, mogu očeštrati i finansijsku pomoć Vlade Kantona.

Na ovaj svečani otvor nisu bili pozvani predstavnici općine Velika Kladaša, iako se prostor nalazi na njenom teritoriju. **Nas niko nije pozvao na otvor ovog proizvodnog pogona i stoga nismo ni prisustvovali istom, a kada su u pitanju bilo kakva odobrenja i dozvole, one nisu niti tražene od Općine, niti su predstavnici ove firme tražili dozvole od nas, dobili, rekao nam je načelnik općine Velika Kladaša Admil Mulalić.**

Premijer Lipovača je u svom obraćanju naveo da se nije dugo ni sekunde kada mu se vlasnici firme „Akrobat“ obratili sa idejom da želi zaposliti 30-ak ljudi i izvoziti isključivo za zemlje Evropske unije.

• **Dogovor koalicije je da pripazimo što je više moguće posebno na Veliku Kladašu. Ovi ljudi posjeduju najveće kapacitete u proizvodnji, ali nažalost i hale koje su zaposjednute najmanje sa onim a čime bi trebale biti, rekao je u svom govoru Lipovača.**

• **Mi ovdje imamo domaćih, ali i stranih poduzetnika, a ovo je jedan od svijetlih primjera kako da se uz minimalne naknade i kamatne stope gradi, investira i reinvestira. Na taj način svi mi dobijamo manje socijalnih slučajeva, perspektivniju budućnost i državu za čovjeka za koju se u načelu i borimo. Na kraju krajeva mi smo ovdje da predstavljamo cijeli Kanton i da vratimo na posao cijeli Unsko-sanski kanton, istakao je na kraju obraćanja Lipovača.**

U isto vreme „Akrobat“, na kraju svečanosti premijeru je uručio vaučer za trampolinu kao simboličan poklon dječim vrtićima grada Bihaća, a iako odonista Velike Kladaše nije pratio ovakav poklon, tako je pogon otvoren na njenom teritoriju, što predstavlja još jednu od nelegitimnosti na ovom otvoru, ali i sumnju da je već otpočela predizborna kampanja za lokalne izbore na ovim teritorijima.

Esad Š.



Ono što se desilo na jednom od svijetlih primjera otvaranja novih radnih mjesta u Velikoj Kladaši načinom je primjer kako radi i djeluje Kantonalna Vlada sastavljena od stranka SDP, SDA i NSRZB koje čine platformu. Svi glavni likovi ove platforme bili su na otvaranju pogona u Velikoj Kladaši i svi trojica su imali makaza i još nekoliko ostalih. Teško da će toliko makaza biti i kad se bude otvarao aerodrom Željava i zaposljavao 40 hiljada ljudi.

U sredini premijer Hamdija Lipovača, desno do njega ministar poljoprivrede Šefik Smailić, a lijevo Esad Bašagić, predsjednik KO SDA. Uvježbani trojac za svaku priliku. Kada je Lipovača dao izjavu, onda su se face i ove dvojice morale vidjeti. Nek' se vidi, nek' se zna, ko u Kladaši otvara. Da je Hamdija Lipovača onakav kakvim se predstavlja, ne bi u Velikoj Kladaši otvarao ništa; pa ni ovaj pogon bez svog domaćina, a domaćin niti ne zna šta se dešava: Da je Hamdija Lipovača pošten ne bi pod koju cijenu na mjesto otvaranja ovog pogona doveo Šefika Smailića, koji je prije par godina bio direktor firme „Ujanović“ u susjednoj hali, odakle je pobjegao, a radnicima ostao dužan pet plaća, doprinosa i ostale primadjeznosti.

Da je Hamdija Lipovača pošten ne bi na ovakvo jedno otvaranje doveo predsjednika SDA, i na kraju, da je Hamdija Lipovača pošten, ne bi na ovo otvaranje poveo potpuno sve članove svoje političke partije. Da Hamdija Lipovača nije ništa od navedenog zna ovašnja javnost, a kako stvari još uljepšavali i uveličavali govornim podacima sa web stranice Vlade USK-a na kojoj stoji da je u Velikoj

Kladaši zaposleno 30 novih radnika. Dokle sa lažima i kame one koriste?

Još nešto valja dodati ovom kontekstu da bi bio potpun. Da bi se sa pet-šest makaza preuzela vrpca i simbolično pustio u rad pogon za proizvodnju trampolina valjalo je na minutu sačekati kameru koja je kasnija iz Bihaća. Kladaška kamera koja godinama radi za istu televiziju nije od povjerenja Lipovače.

Kada se sve završilo, u Hamdijinom stilu „ja pa ja“, uslijedili su izvještaji medija, uglavnom onako kako je on želio. I uspio je, jer su gotovo sve agencije primijele vijesti sa njegove web stranice. Kantonalna televizija se fokusirala na njegovo izlaganje o strankama platforme i nije spomenula da nije bilo predstavnika općinske vlasti. Radio Velika Kladaša nije objavio uzetu izjavu od premijera Lipovače, a općinska web stranica nije ovaj događaj, niti spomenula.

Hamdiji Lipovači želimo da što više otvara novih radnih mjesta, ali u „svojoj zoni odgovornosti“, jer njegova tvrdnja da je on premijer svih građana nikad u praksi nije potvrđena, a niti njegova Platforma ima ikakvog utjecaja u općini Velika Kladaša. U nju platformaši dolaze kada ima šta otvarati i siskati se, i to je dosta za Veliku Kladašu. Da sam na mjestu načelnika općine, ne bi se ljutio na njih, neka se ljudi sijeku, jer u „njihovoj zoni odgovornosti“ nemaju takvu priliku niti će je uskoro biti, a otvaranje aerodroma Željava ove živuće generacije zasigurno neće dočekati.

Dobro došli platformaši na slikanje u Veliku Kladašu, jer puno doprinoste da bi imali pravo na to.

Esad Š.